

علم حقوق

مقایسہ قوانین مجسمہ ہندو عہدہ

ہر آی نشر اولنور

مؤسس و صاحب
کرملہ مبعوثی : محمد عارف

~~~~~

### مندرجات

قاپتولاسیونلر : صدر اعظم حق پاشا حضرتلری ، ہر حادثہ حقوقہ : بدیم  
نوری ، حقوق عائله : قوزانہ دعوی وکیلرندن قسطنطین چیچلیکی ، رشوت :  
پانیہ ہدایت محکمہ سی اعضاسندن یاقو سامی .

فیاتی : ۱۰ غروش

درسعادت

طین مطبعہ سی

۱۳۲۷

## رشوت

### Corruption

۲۸ ذی الحجه ۱۲۷۴ تاریخلی جزا قانونمیزك از زیاده محتاج اصلاح و تعدیل فصولندن بری رشوتك احكام عمومیه سنی متضمن باب اولك فصل ثالثی اولدینی وارسته قید بیاندرد. واضع قانونمیز بونکته یی اکلایه رق ۲۲ مایس ۳۲۷ تاریخلی قانون مذکوره تذیل ایدیلان مواد معدله ایله بویخی بالکلیه اصلاح و تعدیل ایشدر.

۱۲۷۴ واضع قانونمیزك رشوت حقنده اختیار ایلدیکی تعریف قانونی یی ترك ایدرك ۶۷ نجی ماده قائمه ایله : « حکامك و علی الاطلاق وظائف و خدمات رسمیه یی درعهده ایلان باجله مأمورینك و منتخب و منصوب باجله مجالس رسمیه اعضاسنك و افراد ناسدن اولوب حکم و اهل خبره کی وظیفه رسمیه ایله مکلف بولنان اشخاصك و دعوا و کیلیرینك قانوناً و نظاماً یا بعه مجبور اولدینی شیئی یا بقی و یا یا بامق و یا بامق مجبور اولدینی شیئی یا بقی و یا یا بامق ایچون اخذ ایلدکری اجه و هدیه نامیله الدقلری اشیا و تأمین ایلدکری سائر منافع رشوت» در. عبارده سیله جرم مذکورك ماهیت تشکیله جرمیه سنی و انحصار تعین و تعریف ایشدر. ملغا ۶۷ نجی ماده ایله ماده قائمه نك متون قانونیه سی تقریب ایلدکده کوریلور که ۶۷ نجی ملغا ماده نك : « ترویج مرام ایچون نه نام ایله اولورسه اولسون هر نه که النوب و ریلورسه رشوتدر » تعریفی مهم و افرادی غیر جامع اولدینی قدر ماده جدیدنك تعریفی غیر مهم و افرادی جامع و اغیارینی و اقدر. ماده جدید مذکوره نك تعمیق مندرجاسندن اکلایلیور که واضع قانون بر مأمورك قانوناً و نظاماً یا بعه مجبور اولدینی شیئی یا بقی ایچون بغير حق indûment پاره المسی ایله حقسن بر شیئی یا بقی ایچون دخی پاره المسی کیفیتنی عین حکم جزائی به تابع طوتمقدده در که مصور حالدرده جرمیت عینی درجهده مشهودد کلدرد.

مواد مذیلہ قانونیہ نك صراحتاً رشوت جرمی قانوناً تحصیل ایدہ بیلیمك

ایچون :

اولا : مجرم ۶۷ نجی مادہ معطلہ ده تصریح و تعداد ایدیلن صفاتندن بری  
حاضر بولمق .

بناءً علیه مثلاً اصول موضوعه دائره سنده تحلیفی اجرا اولمیان و یا خود  
هر نصله تحلیفندن ذهول ایدیلان بر حاکمك قانوناً و نظاماً یا بغه مجبور اولدینی  
شیئی یا بقی و یا یا بامق و یا بامغه مجبور اولدینی شیئی یا بقی و یا یا بامق ایچون اچہ  
و یا اشیا اخذ و یا منافع تأمین ایسی رشوت جنایتی ارتکاب ایدہ جکی وارسته  
ایضا حدر .

ثانیاً — اچہ و یا اشیا اخذ و یا منافع تأمین ایش اولمق .  
بناءً علیه برکونا اچہ و یا هدیه نامیلہ اشیا اخذ و منافع تأمین ایلمه  
واقع رجا و استرحاماته مغلوباً یا بغه مجبور اولدینی شیئی یا بامق و یا خود یا بامغه  
قانوناً مجبور اولدینی شیئی یا پارسه رشوت جرمی قانوناً تحصیل ایدہ میه جکدر .  
Hélic S chauveau

ثالثاً — مأمور مرتشی اچہ و یا هدیه نامیلہ اشیا فی فعلاً و طوغریدن طوغری به  
اخذ و یا مادہ منافع تأمین ایش اولمسی شرط اولیوب کرك طوغریدن  
طوغری به و کرکسه بالواسطه جهات مذکوریه رضا کوسترمش اولمسی لازمدر .  
il refert si ipse pecuniam acceperit an alii daru jusserit, vel  
acceptum sus nomini ratum habverit.

رشوت حقنده کی دعوی عمومیہ دعوی شخصیه دن بـبتون آیری اولدیغندن  
رشوت جنایتیلہ متهم اولان بر مأمورك رشوت اوله رق الدینی اچہ و یا اشیا فی  
رد و اعاده ایسی اولباده کی حقوق عمومیہ جریانته مانع قانونی تشکیل ایدہ میه جکی  
امر باهردر .

بر مأمورك رشوت ضمنده رشوت جنایتی حقنده موضوع مجازاتندن ده  
شدید جزایی مستلزم بر جنایت ایشلر سه تداخل مجازات نظریه سه توفیقاً مأمور  
مرتشی حقنده رشوت اخذی اسباب مشدده دن عدیلہ جنایت مذکورہ حقنده  
موضوع مجازات حکم ایدیلہ جکی قانونیدر . مثلاً قانون جزائك ۱۵۲ نجی

ماده سنده مصور جناحی ایشلمك ایچون رشوت المش بولنسه حقنده رشوت اخدی جناحی اسباب مشدده دن عدیله اولباده کی موضوع مجازات تحدید ایدیله جکی وارسته قید و بیاندر .

مأمور مرتشی رشوت اوله رق الدینی اچقه واشیایی برکونا اسباب ظهور ایتکسزین رد ایدر واجرا ویا عدم اجراسی تعهد ایلدیکی خصوصاتدن رأساً صرف نظر ایدر سه حقنده ۴۶ نجی ماده قائمه نك فقره ثانیه سی احکامنجه برکونا جزا تطبیق ایدیله ماز ۲۱ [ C. P. art. 21 ]. فقط نیت جنائیه سنده اصرار ایدرک اجرا ویا عدم اجراسی تعهد ایلدیکی خصوصاتک راشی ومرتشینک دفعه مقتدر اوله مدقلمری بعض موانعدن نشأت ایلدیکی بالمحا که ثابت و محقق اولور سه ۶۸ و ۶۹ نجی مواد قائمه ده مصرح احکامی تطبیق ایدیلور .

..

رشوت جرمی ایکی عامل متضمندر . بری رشوت اعطاسیله ۶۷ نجی ماده قائمه ده کوستریلان اشخاصک برینی اغفال ایدن که - لسان قانونده راشی - دیکری کرک بالذات وکرکه آدملمری معرفتیه مارالذکر ماده ده بیان ایدیلان احوالی اجرا ویا عدم اجرا ایچون اچقه ویا اشیا ویا منافع تأمین ایدن شخص که مرتشی دینور . [ قانون جزانک ملغا ۶۷ نجی ماده سنک فقره اخیره سی ]

راشی ایله مرتشی جنایتلرینک ماهیت و مربوطیتلری اعتباریه فاعل مشترک ایسه لرده واضع قانونک بواشترکی اساساً قبول ایلیه رک هر برینک جرمی حقنده احکام جزائییه مستقله وضع ایش اولسنه نظراً راشی ایله مرتشینک جنایتلری آیری جرم اوله رق تلقی و قبول ایلدیکی تظاها ایدر .

راشی، رشوت ویرن، دوچار مجازات ایدلمک ایچون هر حالده اخلال حق ایچون رشوت ویرمش اولدینی غندالمحا که ثبوت بولغه مشروطدر . حتی اخلال ایدیلان طرف کرک خصم اولسون وکرک خصم قانونی اولان حقوق عمومی اولسون ویا خود وظائف مأموره سنی اهمال و تعویق صورتیه امور عمومییه اهمال ایچون اولسون هر حالده شخص راشی حقنده جزای مذکوره حکم ایدیلور .

مرتشینك رشوت آلدینی عندالحاكمه ثابت اولمغله حقنده ۶۸ نجی ماده قائمك فقره اولاسنده کی مجازات تطبیق ایدیلور . و اگر رشوت اُخذیله برحقك اخلائی موجب برمعامله اجرا ایش ایسه قلعۀ بندك جزائی بش سندن اقل اولماق اوزره حکم ایدلك لازمدر .

بر آدمك ۶۷ نجی ماده قائمده کوستریلان جهات واحوالی اجرا ایتدیرمك ایچون ماده مذکورده تعداد ایدیلان صفتی خاثر بر شخصه آچه ویا اشیا ویرمیوب و منافع تأمین اییهرك تهسید و کره ایله اجرا ایتدیررسه حقنده معین راشی حقنده موضوع حکم جزائی تطبیق ایدلك مقتضیدر . شو قدرکه تهسید واکراه ایدن شخص ۱۸۶ نجی ماده قانونیهك ایکنجی فقره سنده کوستریلان شرائط قانونیهنی خاثر اولمغله مشروطدر . فرانسه واضع قانونی بوخصوصی نظر دقه آلهرق بوکا دائر برحکم صریح وضع ایسکه برابر تهسید وکرهدن مطلوب نتیجه حاصل اولمدینی تقدیرده آمرمکره حقنده اوچ ماه حبس جزاسیله برابر یوز فرانقندن اوچیوز فرانقه قدر جزای نقدی آلور ، دیور [C. P. art 179] .

۶۸ نجی ماده قائمده رشوت اولهرق راشینك ورمش اولدینی آچه واشیا مرتشیدن ایکی قات اولهرق استرداد ایدیله چکی تصریح ایدلمکده ایسه ده کرک بومادهده وکرکسه مواد سائرده جهت عائدتی حقنده یعنی استرداد اولنان آچه واشیا راشیه ویریلوب ویریهیه چکنه دائر برکونا قیسد صریح وضع ایدلماشدر . فرانسه واضع قانونی - مصادره ایدیله چکدر - قیدیله بوخصوص حل ایدلماشدر . [C. P. art 180] .

رشوت اولهرق ویریلان شی ولوشخص اخره عائد بولنسون هر حالده مصادره ایدیله چکی حقوق شناساندن [Carnot] بیان ایلمکدهدر . راشی رشوت اولهرق مرتشییه ویردیکی شیئی شخصی اخرک یندنه ایداع ایدلش بولمدینی حالده مبلغ مودوع مستودعدن المغله برابر برمثلی مرتشیدن آلهرق ۶۸ نجی ماده معدهده موضوع حکم جزائی مرتشی حقنده تطبیق ایدلك لازم اولهجنی آشکاردر .

۶۷ نجی مادهده کوستریلان صفاتی خاثر اشخاصدن بری کرک ضعف

قلب و کرکس حیات سائر سائقه سیله یا بغه مجبور اولدینی شیئی یا پامز و یا خود یا بامغه مجبور اولدینی شیئی یا پارسه ۶۸ و ۶۹ نجی ماده لرنده کوستریلان احکام جزائییه تطبیق ایدیلهماز . چونکه بو مقوله لک حرکتی اخلاق نقطه نظرندن مذموم ایدیهده قانوناً جرم تشکیل ایدهماز [ Cornot ] .

فرانسه جزا قانونی احکامجه رشوت سبیلله بر حکم قلعه بند جزاسندن دهها شدید بر جزا حکم ایدرسه جزای محکوم به نه اولورسه اولسون حاکم مرتشی حقنده تطبیق ایدلک لازم کلیر . حقوقشناسندن Cornot جزای محکوم به مذکور حاکم مرتشی حقنده ولو حکم مذکور مافوق محکمه سندن نقض ایدلش اولسون هر حالده حکم ایدلک لازم کلدیکنی در میان ایدیور . حاکم مرتشی حقنده جزای محکوم به مذکور حکم ایدیله چیکی باجمله مفسرین قانون و جزایشون اتفاق ایدیورلر سده مرتشینک رشوت اوله رق آلدینی مبلغک ایکی مثانی حاکم مرتشیدن آله جنی حقنده ماده مذکورده صراحت بولغانم سندن بو خصوصده اتفاق ایدهمیورلر . Cornot جزای نقدی مذکور حکم ایدیلهمیه چیکی مطالعه سنی علاوه ایدیورسه رشوت اوله رق ویریلان مبلغک مصادره سی لازم کله چیکی مفسرین سائر بالاتفاق بیان ایلکده در .

. [ Cornot. C. P. sus l'art. 182 ]

بر حاکم طرفینک برنی التزاماً و یا لغرض لهنده و یا علینده رأی و بررسه حقنده مواد معدله مذکورده مندرج مجازات حکم ایدیلهمیه چیکی وارسته بیاندیر . ۶۸ نجی ماده جدیدده کوستریلان صفاتی حائز اشخاصک یرینه قانوناً قائم اولان وکیللر مواد تالیهده کوستریلان احواله اجتناسار ایلدکلری عندالحاکمه ثابت اولورسه حق لرنده اصل حقنده موضوع مجازات تطبیق ایدیله چیکی شبهه سزدر .

یائیه بدایت محکمه سی انقضاسندن

یا قو سامی